

勅命 令

臨時大總統令

現在國體確定組織新邦百務所先莫急於培元氣興實業東南各省自上年重罹水患又迫軍興農商之業損失已多困苦流離言之淚下現屆春令耕作既貴得時絲茶又將上市而警耗時告人心未安設誤農功荒商市則收穫無望闔大傷富者化為窮民貧者流為餓殍民不聊生何以爲國此本大總統所最痛心者也應責成各省都督勸諭農民及時耕種嚴飭兵警鎮懾地方保護市面使農勤於野商悅於途庶秋稔可期商市漸復民皆有以贍其生而殖其產以克迓幸福於無既凡有軍民地方之責者其共體此意焉此令

中華民國元年四月十六日即壬子年二月二十九日大總統蓋印

臨時大總統令

任命陳宜爲參謀次長此令

中華民國元年四月十六日即壬子年二月二十九日大總統蓋印

臨時大總統令

任命張善義爲山東曹州鎮總兵此令

中華民國元年四月十六日即壬子年二月二十九日大總統蓋印

臨時大總統令

陽曆四月十七日即壬子三月初一日

河南南陽鎮總兵郭殿邦飭張鎮芳調省另行差委任馬繼增署理南陽鎮總兵此令
中華民國元年四月十六日即壬子年二月二十九日大總統蓋印

電報

湖北臨時省議會來電 陽曆四月十四日即壬子二月二十七日

本議會遵照參議院約法選舉參議院議員特于本月十三號開正式選舉大會選定張伯烈時功玖劉成禺鄭萬瞻湯化龍五人爲參議院議員張祥麟董昆瀛張大昕陳培庚蔣楷等爲候補參議院議員專此奉聞並懇通告參議院暨各省都督臨時議會爲禱鄂省臨時議會叩元

吉林陳都督來電 陽曆四月十四日即壬子二月二十七日

吉省省議會選舉議員業於冬電將擬辦情形陳明在案嗣因城自治他屬下級自治及同級之鎮自治尙有三十二處未便紛紛加入茲定除原有諮議局議員三十名外添選之新議員以全省上級自治十一屬爲限無上級自治者卽由農商會選送每屬各一人共六十七名核與冬電稍有不符應卽電請更正又教育總會農工商會現亦陳請選送議員俟議定後再行電達再前冬電如已發公報宣布並請更正昭常謹肅元

臨時公報

陽歷四月十七日即壬子三月初一日

批呈

唐景崇等呈創設神州大學請予維持並飭部備案文

具呈唐景崇唐文治伍廷芳張謇嚴復李家駒熊希齡陳錦濤莊蘊寬雷奮楊度汪榮寶謝遠涵趙熙馬良姚文枬袁希濤程明超嵇琴孫錢競民丁鎔吳鼎昌吳匡時薛頌瀛陸夢熊朱斯芾孫多鈺陳輝德劉景山諸翔華龍孫喜祿余名銓沈祚延華鴻謝學瀛高形墀姚莢楊壽桐楊景斌張嘉森張嘉璈爲呈請事竊維國家新建凡百創始事非一端勢難遍及必需社會事業應時而興以補國力所不足而教育一事尤賴社會各方羣謀並進以襄輔國家而後其力始大其效始宏景崇等竊不自揣猥以棉薄合力鳩資擇地上海創造神州大學業於上月招生開學以期與社會各種事業謀分途之發達而爲國家教育機關效涓埃之補助所有創設神州大學緣由理合繕錄規則具呈伏乞

大總統俯予維持飭部備案實爲公便謹呈

批據呈已悉交教育部備案此批

中華民國元年四月十五日即壬子年二月二十八日

署直隸都督張錫鑾呈請將直隸布政使曹銳改爲署任文

爲呈請事案據布政司電稱奉

大總統命令曹銳補授直隸布政使此令等因以椎魯庸材膺非常寵遇聞命之下感繼以泣

惟說上年四月甫丁母艱前蒙張督憲委署法司繼令兼權藩篆以未能擔任艱鉅又值患病迭電辭謝復蒙鈞座堅留不得不力疾視事者實緣桑梓關懷勉供驅策而私心實深隱痛滿期服務數月卽行退職伏里終制今蒙補授藩篆寵錫愈隆罪譴愈重際此百度鼎新時代轉令屏藩要任有破格奪情之舉貽忘親戀何之譏於公於私均多遺憾惟有籲懇鈞座轉呈大總統恩准開去直隸布政使實深感戴鴻慈實無既極等情據此查從前舊例凡丁憂實缺人員應請改爲署任現在民國甫經成立新官制尙未發表一切任用官吏章程亦未頒布該司現請開缺情詞肫摯具見孝思應否改爲署任之處理合呈報

大總統謹請察核施行

批據呈已悉直隸布政使曹銳改爲署任交該衙門備案此批

中華民國元年四月十五日即壬子年二月二十八日

署直隸都督張錫鑾呈商人趙師雲捐助學款請給獎勵文

爲呈請事據署提學司蔡儒楷詳稱竊照中華民國元年四月初二日即壬子年二月十五日據天津民立第一兩等小學堂堂長李春田稟稱竊自軍興以來財政窘迫一切行政羅掘幾空教育之資尤形艱澀職堂向賴紳捐上年市面彫零已難堵注近來益不能支現有天津商人趙師雲家業本非鉅富其父趙坤嘗謂國家富強非實行普及教育不足以救危每以力與心違引爲深憾本年舊歷正月初四日易簣之前進趙師雲而誡之曰值茲患難甫平教育費

艱迫之時宜節減喪葬移作學款以酬素志其勉之勿忘現在趙師雲泣念先人熱誠措集足銀五百兩捐作職堂經費屬爲兌收前來伏思該商人趙師雲值此瘡痍滿目銀根奇緊之時竟能慨捐鉅款仰酬先志誠非尋常助學可比未便久稽獎勵致無以風勵後來應請詳請呈明

大總統逾格優予榮典以勵薄俗而彰孝思實爲公便等情據此查捐助學費銀兩向係按照賑捐新章以二成實銀核獎銜封現在民國既經成立前項獎章自難適用而民國新章未奉頒發惟查臨時約法第三十九條內載

大總統有頒給勳章並其他榮典之權等因通行遵照在案此次該商人趙師雲仰承先志慨捐鉅款洵屬好義急公有裨學務仰懇呈請

大總統酌予勳章或其他榮典以示鼓勵而昭激勸除稟候示外理合備文詳請察核俯賜照擬轉呈給獎實爲公便等情據此理合呈請

大總統伏乞核辦施行謹呈

批據呈已悉趙師雲慨捐鉅款洵屬急公好義獎給匾額一方以資鼓勵並交教育部備案此批

中華民國元年四月十五日即壬子年二月二十八日

山西民政長周渤請裁撤陽曲縣缺等文

陽歷四月十七日即壬子三月初一日

爲呈明事竊照各省府治首縣原經議定歸併該府直轄提取原有款項設立地方審判廳分別令行遵照在案查晉省太原府陽曲縣地方審判廳早經成立該縣一缺若仍照舊設立恐冗濫之職不去即挹注之術轉窮無補地方徒滋糜費本署民政長一再察核應自四月初一日起將陽曲縣卽行裁撤其一切應行事卽歸併太原府直轄以符原案該縣知縣光熙才猷練達政聲卓著實爲守令中不可多得之員擬請俟奉准後遇有相當缺出酌量升補俾免向隅而資治理除外府首縣應俟地方審判廳成立後再行核辦並飭遵外爲此備由具呈伏乞大總統鑒核施行謹呈

批據呈已悉官制未定以前暫照所擬辦理並交該衙門備案此批

中華民國元年四月十五日即壬子年二月二十八日

✿ 呈文

署直隸都督張錫鑾呈津海關道陳瑜丁憂請予開缺等文

爲呈請事案據本任直隸津海關道陳瑜呈稱竊陳瑜前因母病請假三個月省親蒙委徐沅接署當於陽歷二月五號將印信及任內經管銀錢各項逐一交代清楚隨即乘輪來滬侍疾茲於三月十八號母病不起理應丁憂爲此具呈報明懇祈查核備案等情據此查該員陳瑜前在津海關道任內尙有經手未完事件除批飭俟喪事完畢來津清理外理合呈報

大總統謹請察核開缺施行再查津海關道係衝繁疲難四字最要缺舊章應由總督揀員請補自應查照辦理除將堪勝是缺之員另行遴保專案呈請簡任外合併陳明

署直隸都督張錫鑾呈請以徐沅補津海關道文

爲呈請事案查本任津海關道陳瑜於本年三月十八號呈報丁母憂當經呈請開缺在案查津海關道係衝繁疲難四字最要缺舊章應由總督揀員請補自應查照辦理茲查有現署津海關道徐沅學識兼優任事謹飭以之請補津海關道必能勝任理合呈報

大總統謹請察核簡任施行

報 告

四月十二日度支部收到出使各國代表認購愛國公債清單

駐英代表劉玉麟三千二百四十元

駐俄代表陸徵祥三千二百四十元

駐奧代表沈瑞麟三千二百四十元

駐比代表李國杰三千二百四十元

駐日本代表汪大燮三千二百四十元

四月十四日又收到愛國公債數目單

兩白蒙都統芬車六十五元

駐法代辦使事戴陳霖三千二百四十元

駐美代表張蔭棠三千二百四十元

駐義代表吳宗濂三千二百四十元

駐和代表劉鏡人三千二百四十元

駐法代表梁誠三千二百四十元

臨時公報

民國四年四月十七日即壬子三月廿一日

公 啟

參議院暫設事務所公啟

現奉 大總統諭南京參議院已議定遷至北京參議員定於本月二十一日以前齊集應暫設事務所豫備料理接待一切事宜等因現已擇定宣武門內象坊橋法律學堂（即前資政院）爲參議院暫設事務所各省參議員到京者請自本月十一日起每日上午十點鐘至下午三點鐘蒞所接洽凡應投參議院文件電報亦望逕投本所爲要
中華民國元年四月初十日

陸軍部公啟

敬啟者本部現於四月十六日遷移馬市北大佛寺迤北路東胡同內路北大門辦公所有文件逕赴本署投遞此布以便週知 陸軍部庶務科啟
中華民國元年四月十六日即壬子二月二十九日

